

Zoo - Iriba Shidon byen byen re?

Tak women

Tama iribaku byenbyen

Ira Daniel a baku byenbyen re? <sup>space</sup>

Nwunzamka

Jira bi Daniel ba zoaka <sup>space</sup>

Tamani yafe labari bi samarikazun a ngan biji a sansan bi kuru.

Andi kpammkpm puka bi Israileka shi puka bi Shidon ama ku dede a shini ku yeobibi kaezun wuwe numa dafun gée bi Shidon. A diji bi a shini nngee bi Shidon bi ku shinabibi. Kuru Babila bi ku yeoka Urushalima kudan ya sojabaka ra bishe samarika a san a meeme, a bishi ba shina ba a ga yiiyi, kasun bishi ba shina a na ki jin. Se sojabaka pan samarika wuwe numa biya shi bishii bi fe ku sōna Babila ku vo bi kuruni, gba no ra.

Ku yee bi ~~samarikani~~ samarikani anyena shi kee azunzun biribaku ra Daniel, azun biriba ra Shedaru, azun biriba ra Misha, azun kasun biriba ra Obenige. Kuru Babilani dan ra bashana ~~bifien~~ <sup>beer</sup> ~~ya~~ <sup>diya</sup> samarikani nuu sōna Babila ba baa ~~sōnak~~ bi Babila tete. Kurishon bishi ba gbama diri se kudan ra biji biji a ku tanaba, biwa biyaba a kuriwani ten. Kurishon tukubaka bikon samarikani numa har jili sara.

Jira a kurungi danni dame Daniel ba zoaka ku mikina sose numa.

Ke azun-a bishi nene ba sonakibi kime jenbi ba jira bi Shidon mba, birivo Shidon, Shidon <sup>je</sup> ba bi shii zun. Daniel zea nde a kúji biji bi kuruni mba dijira kuyi ra biriya busum afunu biriji.

Kungan a kíma biya ten. Se kuya ku hira bi shina bi tukpu bi kuru kuvoku ra, "Umaze nde ra yuka yai biji ba baa a wawa a shini mba."

Tukpu bi kuruni dan ra, "Am ba shinam akyen maze nde, ama mrishe jina dijira kuru ameni nianyiinyin, samarika a dafunni ashi ba kona ba gbama diri, kuru age gbanm.

Se Daniel kan ~~wuku~~ sun ra, "Umaze nde ra úmba foi nyunu dup kenken úyai kíma jibag ba nape scoobe ate, diji úme ra ko yanyiinyin re, ko gbama diribi ashi <sup>a</sup> a samari a dafun mba re. Shina bi Tukukani ze nde, kumba febi dynans dup, kume Daniel ba zoakan kon ka ni kaa a dafun a riji biji bi kuru ba biyaba a kuriwa. Shidon fe adua bi Daniel ba zoaka, kuyabi gbama diri ba shina ba a ga yiiyi shia a dandan ana. ~~Ku nyankon~~

Ku nyanken a jiii sara nwán zu ra shina bi tukpukaní dan ya samarika tete ra bimbya san diribibi sansan, kuyabi tukpaka a sansan afunu kuzebi ya ku pyen bi kuru. A Kuru gwadabili ba jira a mbyembye ku nuu sona Babilia kume Daniel ba zoaka, abi Shadara ba Mishá ba Obenigo ka ni kaa dafun ba shina ba a ga yiyyi ba ~~shina~~ a na kú jin tete, se kuruni mbu mikina ba bi wuwe numa shia a dandan mba, kuyabi buso a kwaki a shi ba hwe kú kasaba.

Nwunzamka labari a shini rifyen <sup>ya</sup> i ra iseri ba gbama kú gba bi Shidon shiira Daniel ba zoaka. Bingan biji bi kuru ba biya a kuriwani dijira biyi ra kuruni risa busum, kasun biya shia baa a sansan ku pyen bi Shidon mba, shi baa a agbebi kasen ba nyanken kú gba bi Shidon. To, nwunzamka baa a agbebi kasen ba nyanken á bea a bebe ku pyen bi Shidon, san ka ni idafunku.

Shindei Yesu dan ra shia dijira bi biji kenken pere adu shindi mba, ama se ba jira a zu ku nuu bi Shidon. Manzo Bulus ten dan ra ko imariji, ko imariwa, ko ke tete a imarisa kúshi baa ágbe du jina bi Shidon.

Nwunzamka ika zeinde bishiibi kúshi baa a sa be jina bi Shidon mba. Íme yi sansan numa ake saa ni Daniel ba zoaka seri shi kú gba bi Shidon numa? Dijira birishon Shidon ba mikinabibi tei birishonbi a bisa be jina bi Shidon mba.

To, zom mrishon mmbyeu jira -- a Daniel ba zoaka biseri ba gbama bingan buka kode a jiji ba baa a wawa bidu a sansan bi Shidon re ko bidubi mba? Busé bibi ya ku pyen ko kasen ba nyanken? Imasa kartu ya ku pyen Daniel ba zoaka bishii ni puka a kunpyen ki sona Babilia. Shidon yi ra pere a makon diriba ba mikinaba tete dijiraba. Kasa zaku koo. Zomka ba nwunzamka iseri ba gbama kú gba bi Shidon shiira Daniel ba zoaka. Shidon kúsa zai. Amin.